

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i člana 25. Statuta Grada Tuzle („Službeni glasnik Grada Tuzla“, broj 6/21 i 4/25), a u vezi sa članom 3. Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“, broj: 14/22), Gradsko vijeće Tuzla, na sjednici održanoj 28.01.2026. godine, donosi:

ODLUKU

o izmjeni i dopuni Odluke o kriterijima i postupku za ostvarivanje prava na obavezno zdravstveno osiguranje osoba u stanju socijalne potrebe koje nisu osigurane po drugom osnovu

Član 1.

U Odluci o kriterijima i postupku za ostvarivanje prava na obavezno zdravstveno osiguranje osoba u stanju socijalne potrebe koje nisu osigurane po drugom osnovu („Službeni glasnik Grada Tuzle“, broj: 8/24), član 5. mijenja se i glasi:

„(1) Uz zahtjev iz prethodnog člana stranka je dužna priložiti dokaze o ispunjavanju općih i posebnih uslova za ostvarivanje prava na uplatu doprinosa za obavezno zdravstveno osiguranje i to:

- a) Uvjerjenje Službe za zapošljavanje iz kojeg je vidljivo da podnosilac zahtjeva nije zdravstveno osiguran kao nezaposleno lice, sa obavezno navedenim razlogom zbog kojeg osoba ne ostvaruje pravo na zdravstveno osiguranje.
- b) Uvjerjenje mjesno nadležne poslovнице Zavoda za zdravstveno osiguranje Tuzlanskog kantona da podnosilac zahtjeva nije osiguran po drugom osnovu (ukoliko se zahtjev podnosi za malodobnu osobu potrebno je dostaviti ovo uvjerenje za oba roditelja, staratelja ili usvojitelja).
- c) Izjavu o članovima zajedničkog porodičnog domaćinstva (Kućna lista) ovjerenu kod nadležnog organa.
- d) Dokaz o radno-pravnom statusu za podnosioca zahtjeva i sve punoljetne članove zajedničkog porodičnog domaćinstva:
 - 1) za nezaposlena lica – uvjerenje izdato od strane JU Služba za zapošljavanje Tuzlanskog kantona ili dokument izdat od strane Porezne uprave FBiH – Poreska ispostava Tuzla iz kojeg je moguće utvrditi činjenicu da lice ne ostvaruje primanja po osnovu radnog odnosa ili uvjerenje o redovnom školovanju/studiranju;
 - 2) za zaposlena lica – dokaz o visini plaće/platna lista;
 - 3) za penzionere - ček od penzije i
 - 4) za lica koja su navršila 65 godina, a nisu ostvarila pravo na penziju - dokument izdat od strane Porezne uprave FBiH – Poreska ispostava Tuzla iz kojeg je moguće utvrditi činjenicu da lice ne ostvaruje primanja po osnovu prava na penziju ili Uvjerenje izdato od strane PIO/MIO kojim se dokazuje da lice nije ostvarilo pravo na penziju (original ili ovjerena fotokopija),
 - 5) za lica koja ispunjavaju uslove za penziju i podnijela su zahtjev za penzionisanje, ali još uvijek nisu ostvarili pravo na penziju – dokument izdat od strane PIO/MIO kojim se dokazuje da je lice podnijelo zahtjev za penzionisanje (fotokopija) i ovjerena izjava podnosioca zahtjeva da u vrijeme podnošenja zahtjeva nije počeo/la primati penziju (original/ovjerena fotokopija).
- e) Uvjerjenje Porezne uprave da lice nije zaposleno i da nema zdravstveno osiguranje, te da nema ranijeg duga po osnovu neuplaćenog doprinosa za obavezno zdravstveno osiguranje u periodu od šest mjeseci prije izdavanja uvjerenja.

- f) Validnu medicinsku dokumentaciju (nalaz i mišljenje nadležnog ljekara) na osnovu koje se može procijeniti teško ili hitno zdravstveno stanje usljed bolesti koje se nalaze na listi teških oboljenja propisanih Naredbom o listi teških bolesti odnosno teških tjelesnih povreda (samo za podnosioca zahtjeva po osnovu člana 3. stav (3) ove Odluke).
- (2) U slučaju nejasnoća u vezi sa postavljenom dijagnozom u medicinskoj dokumentaciji iz stava (1), tačka e) ovog člana Služba može konsultovati nadležni Dom zdravlja u cilju pojašnjenja nalaza i dijagnoze bolesti.
- (3) Nadležna Služba Grada Tuzle će, po službenoj dužnosti, izvršiti provjeru evidencije prebivalištu za podnosioca zahtjeva (ukoliko se zahtjev podnosi za malodobnu osobu izvršit će se provjera evidencije prebivališta i za roditelje, staratelje ili usvojitelje).
- (4) Dokumentacija navedena u stavu (1) ovog člana ne može biti starija od tri mjeseca od dana podnošenja zahtjeva, a dostavlja se u originalu ili ovjerenom fotokopiji osim dokumenata iz tačke d), podtačke 3) i 5) samo u dijelu koji se odnosi na dokument izdat od strane PIO/MIO kojim se dokazuje da je lice podnijelo zahtjev za penzionisanje, i tačke f), koji se dostavljaju u fotokopiji.“

Član 2.

U članu 6. stav 2), riječi „s ovim Pravilnikom“ zamjenjuju se riječima „s ovom Odlukom“.

Član 3.

U članu 7. stav 3), mijenja se i glasi:

„Rješenje o priznavanju prava i prijava na obavezno zdravstveno osiguranje glasi isključivo na ime podnosioca zahtjeva. Kod priznavanja prava na uplatu doprinosa za obavezno zdravstveno osiguranje i popunjavanja prijave na zdravstveno osiguranje, adresa lica kojem se utvrđuje pravo mora odgovarati adresi koju lice ima upisanu u evidenciji prebivališta, a koja se provjerava službenim putem.“

Član 4.

Ostale odredbe Odluke ostaju na snazi.

Član 5.

Riječi i pojmovi koji imaju rodno značenje, bez obzira jesu li u odredbama ove Odluke korišteni u muškom ili ženskom rodu, odnose se na jednak način na muški i ženski rod.

Član 6.

Ova Odluka stupa na snagu narednog dana od dana objavljivanja u „Službenom glasniku Grada Tuzle“.

GRAD TUZLA

Gradsko vijeće

Broj: 01/31-A-1306-2026

Tuzla, 28. januar 2026. godine

PREDSJEDAVAJUĆA

Ana Pejić, BA prava